

**Naartunermi, erninermi meeravissiarternermilu sulinnigiffeqartarneq il.il.  
ullormusiaqartarnerlu pillugit Inatsisartut peqqussutaata  
allannagortinneqarneranik Inatsisartut peqqussutissaattut siunnersuut**

**pillugu**

**Inatsisartut Ilaqutariinnermut Ataatsimiititaliaata**

**ISUMALIUTISSIISSUTAA**

**Peqqussutissatut siunnersuutip aappassaaneernejarnerani  
saqqummiunneqartoq**

Inatsisartut Ilaqutariinnermut Ataatsimiititaliaat suliarinninnermini ukuningga  
inuttaqarpoq:

Inatsisartunut ilaasortaq Olga P. Berthelsen, Inuit Ataqatigiit, siulittaasoq  
Inatsisartunut ilaasortaq Emilie Olsen, Atassut, siulittaasup tullia  
Inatsisartunut ilaasortaq Ruth Heilmann, Siumut  
Inatsisartunut ilaasortaq Agnethe Davidsen, Siumut  
Inatsisartunut ilaasortaq Astrid Fleischer Rex, Demokraatit

Inatsisartut Ilaqutariinnermut Ataatsimiititaliaata ulloq 14. marts 2007-imi  
siullermeerinninnerup kingorna siunnersuut sukumiinerusumik misissuataarpaa.

**Ilaqutariinnermut Ataatsimiititaliap siunnersuummut oqaaseqaatai**

Ilaqutariinnermut Ataatsimiititaliap siunnersuut tapersorsorpaa, tamatuma kingorna  
Naartunermi, erninermi meeravissiarternermilu sulinnigiffeqartarneq il.il.  
ullormusiaqartarnerlu pillugit Inatsisartut peqqussutaat kalaallisut danskisullu  
oqaatsit atornejartut assigiilersinneqassallutik.

**Naartunermi erninermilu sulinnigiffeqartarnerup atornejartarnera**

Sulinnigiffeqartarneq pillugu malittarisassat nukittorsarneqarnissaat UPA 2006-imi  
Inatsisartut akuersissutigaa. Innuttaasut naartunermi erninermilu  
sulinnigiffeqartarnermut malittarisassanik atuinerat pillugu paasissutissanik  
annertunerusunik Ilaqutariinnermut Ataatsimiititaliap siunnersuummik  
suliarinninnerminut atatillugu ujartuivoq.

Angajoqaat tamarmiullutik naartunermi erninermilu sulinngiffeqartarnersut qanorlu sivilisutiginisumik atortarneraat pillugu qulaajarneqarnissaa Ilaqutariinnermut Ataatsimiititaliap pingaartippaa. Suiaassuseq aallaavigalugu ileqqut qanoq atorneqartigaat? Angajoqaat naartunermi erninermilu sulinngiffeqarumasut suliffeqarniarnikkut pissutsinit ajornartorsiortinneqartarpat? Tamatumani pineqarput suliat, aningaasaqarniarneq, ileqqulluunniit eqqarsaatigalugit akornutit.

Siunnersuut ilusimisut iluseqartoq akuersissutigineqassasoq **Ilaqutariinnermut Ataatsimiititaliap isumaqatigiittup** inassutigaa.

Taama naatsumik oqaaseqarluni Inatsisartut Ilaqutariinnermut Ataatsimiititaliaata siunnersuut aappassaaniigassanngortippaa.

Olga P. Berthelsen  
Siulittaasoq

Emilie Olsen  
Siulittaasup tullia

Ruth Heilmann

Agnethe Davidsen

Astrid Fleischer Rex

--